



焦太史編輯國朝獻徵錄卷之十八目錄

詹事府一

掌府事尚書

白鉞

吳寬

李遜學

溫仁和

霍韜

孫承恩

張潮

掌府事侍郎

張元禎

程文德

詹事

習嘉言

陸簡

陸深

劉虞夔

少詹事

鄒濟

曾榮

劉鉉

孔公恂

柯潛

汪汝璧

黃洪憲

目錄終

焦太史編輯國朝獻徵錄卷之十八

詹事府一

掌府事尚書

資政大夫太子少保禮部尚書翰林院學士掌

詹事府事贈太子太保謚文裕白公鉞墓誌

銘

李東陽

國朝父子宫至尚書者不過數人南宮白公其一也

公諱鉞字秉德考諱圭舉正統壬戌進士官至資政

大夫太子少保兵部尚書贈榮祿大夫太子少傅謚恭敏

曾祖諱進忠以恭敏貴贈資政大夫太子少保兵部

尚書祖諱友諒封資善大夫工部尚書三世妣贈封  
皆夫人世望畿服恭敏公之爲浙江布政也公生于  
杭成化庚子舉京闈第一甲辰舉禮部 廷試第二  
人及第授翰林院編修弘治戊申同修 憲廟實錄  
以內艱去癸丑同考禮部丙辰秩滿遷侍讀己未克  
經筵講官壬戌復同考禮部 今上在春宮克講  
讀官癸丑修大明會典成進侍講學士 賜宴禮部  
尋修歷代通鑑纂要公與焉甲子考南畿鄉試乙丑  
以 登極恩進學士加從四品階并俸克日講官  
賜紗帽羅衣鞞襪諸物正德丙寅開 經筵賜白金

綵轎車駕視太學賜坐藝倫堂丁卯 命教庶吉士  
署掌院事擢禮部右侍郎日講如故尋改吏部遷左  
侍郎賜御製蟠龍諸詩賜纂要進尚書己巳 賜玉  
帶庚午復 命兼學士入內閣專典誥勅掌詹事府  
事以寧夏平 賜賀功金牌加太子少保居月餘以  
疾卒年五十有七 上悼惜不置贈太子太保謚文  
裕遣官諭祭勅有司治葬事公以公卿子習聞 朝  
廷典故加之問學博涉彊記詞翰清美見稱于時而  
久職文字典禮無甲兵錢穀之寄故以此終其身成  
其所爲名其爲人重厚政尚寬簡不爲骫骳之行瑣

屑之節值所難處寧稍爲遜避而未嘗遂失乎正其所著有怡靖稿若干卷

資善大夫禮部尚書兼翰林院學士掌詹事府  
事贈太子太保謚文定吳公寬神道碑

王 鏊

公諱寬字原博世爲蘇之長洲人祖諱壽宗考諱孟融皆贈吏部右侍郎公生有異質未冠入郡庠輩流方務舉業公獨博覽羣籍爲古文詞下筆已有老成風格屢試應天不利以歲資貢入太學東海張汝弼見之曰天下亦有如此貢士也哉江陰卞郎中華伯有低頭拜東野之句武功伯徐公高邁少許可折節與交曰館閣器也公以屢舉不利絕意仕進不肯復

應舉天台陳公士賢以御史董學南畿以禮敦遣公  
不得已入試名在第三成化壬辰會試第一入試  
大廷又第一授翰林修撰被選侍 先皇帝於 東  
宮九年進太子右諭德 先帝卽位以舊學進春坊  
左庶子預修 憲宗實錄成進詹事府少詹事兼侍  
講學士擢吏部右侍郎久之轉左尋兼翰林院學士  
入內閣掌制誥仍侍 今上於 東宮克會典副總  
裁會典成進禮部尚書兼學士修歷代通鑑纂要仍  
克副總裁公素有古學及入翰林凡有作輒傳播中  
外位益高望益重學者稱爲匏庵先生而不敢字每

疏東  
宮講  
學

議吳  
澄從  
說

東朝進講閒雅詳明意存諷諫至理亂邪正之際  
未嘗不反覆爲上誦之 今上在 東宮學少間率  
僚屬上疏曰竊唯 東宮講學自寒暑風雨朔望令  
節外一歲之中不過數月一日之內不過數刻况其  
間又多間歇人生八歲出就外傳居宿於外誠欲離  
近習親正人也庶民且然况有天下者乎借曰習讀  
於內終不若出就外傳親近儒臣講明正道所得爲  
多也建議者謂元儒吳澄出處不正不宜從祀孔子  
詔廷議之公曰從祀亦觀其有益於經傳否耳苟有  
裨經傳則揚雄馬融昔皆不廢今何獨得廢澄也

太皇太后將祔廟詔議其禮公曰昔周祀后稷姜源  
登於別廟詩謂之闕宮魯桓公之母仲子不得祔廟  
春秋書考仲子之宮至宋始有兩后並祔之說然豈  
後世所宜法哉 詔從之公年甫七十數引疾求退  
屢詔懇留 有學行聞望輿論攸歸之褒載閱月卒弘  
治甲子七月十日也訃聞 先帝震悼命有司治葬  
諭祭者四給驛舟遣官護還特贈太子太保長子奭  
授中書舍人次子奭補國學生皆異數云公好古力  
學至老不倦於權勢榮利則退避如畏然在翰林時  
於所居之東治園亭雜蒔花木退朝執一卷日哦其

中每良辰佳節爲具召客分題聯句爲樂若不知有  
官者被選宮僚人動色相賀公獨感然曰吾何以當  
此任哉及日講內殿尤世所榮而公辭之至再至三  
當道見其誠不彊也及掌制誥久衆望公柄用當道  
忌之逴徊不進意公亦不能無少望公曰吾初望不  
及此吾處此甚宜之甚安之衆議爲之冰釋及吏部  
尚書位缺中外皆屬公公又固辭之公端靖淵穆不  
溷溷爲同不嶢嶢爲異士無賢愚見者靡不歸心公  
亦保合兼容不見畛域平生不聞其有毀譽言之亦  
不見喜愠之色其古所謂大雅君子者乎公爲文不

事追琢歟嚴體裁蘊藉簡淡理致悠長爲詩用事渾然天成不見痕迹沈着高壯洗近世尖新之習作書姿潤中時出奇倔雖規模於蘇多所自得

吳文定掌詹事府事久之程學士敏政以策免起復官前所歷俸不入考公曰少詹學士職與我同彼則先官卽日上疏請以印讓有旨命公仍掌之士論益

多公

徐源擢行狀

吳文定公有同年賀解元恩在京邁疾遷至其邸晨夕視之賀死爲服一月喪鄉人教官某死于京貧甚其子假貸于人公聞之惻然亟命還所貸自出白金

爲贖衆皆樂助竟得以喪歸

李傑撰行狀

成化弘治間翰林聲望最重者吳寬謝遷二人皆狀元及第儀幹修整寬溫粹合弘遷明暢亮直寬詩文俱有古意遷亦次之故一時並有公輔之望及丘文莊卒寬適以憂去遷服將闋遂用遷入閣號稱賢相寬終不獲入人頗爲不平寬處之裕如也時劉健爲首相遷數言寬當入閣健曰待我去用之他日又言健答如故遷爭之不得至聲色俱厲曰吾豈私於寬耶顧寬之科第先於予年齒先於予聞望先於予越次在此吾心慚焉故言之而公終不聽何耶健但笑

而已其後天變師保皆上章求退遷上疏求去不得  
復上疏舉寬及鏊自代健不悅宣言於內以遷爲立  
黨也

震澤長語

吳文定公未第時家應役徵攬百狀公見重有司其  
父亦長者或當苛甚時稍謂公盍白之上官公曰譬  
我不做秀才亦已矣乃潛入金胥徒輩以寬其事父  
不知也里僮子以私憾公同夫人出隨詈公車傍從  
人欲一較公戒勿應而已又剗去公所爲郡學碑刻  
名上官追究公曰吾文誠不足存幸無校官爲重刻  
而已縣官矯激束縛公家人平事公禮儀亦矯而簡

資善大夫禮部尚書兼翰林院學士掌詹事府  
事贈太子少保梅齋李公遜學墓誌銘

毛紀

禮部尚書兼翰林院學士上蔡李公卒於位訃聞贈  
太子少保遣官諭祭者四下有司治葬事命行人護  
其喪仍給驛以歸復以考績賜二品誥命皆異數云  
公諱遜學字希賢李姓別號梅齋先世淮安人元季  
避兵籍今汝寧之上蔡曾祖真處士祖明道贈正議  
大夫禮部右侍郎考俊宣課司副使贈官如其祖公  
生于景泰丙子八月二十九日自幼聰穎嗜讀書成

化庚寅補縣學生亟爲提學陳恭愍公所稱賞丁酉  
中河南鄉試丁未舉進士改翰林院庶吉士弘治己  
酉授國史檢討克經筵官三載秩滿給勅命丙辰同  
考禮闈所取多名士尋用薦陞浙江按察司僉事督  
理學政公教人因材造就不專於文藝嘗曰士不知  
以涵養踐履爲務非學也每試封卷置號手定甲乙  
預決中負名列後悉如其言私請一無所售時皆服  
其識鑒未幾以正議公憂去諸生送之水滸多泣下  
木齋謝公歎曰李君何以得士心若此邪旣歸汝南  
郡中之秀相率延公師事之凡經指授接踵科第者

數十人辛酉服闋改陝西提學一如在兩浙時巡撫  
公交薦其賢遷副使甲子丁張淑人憂丁卯復提學  
山東公至未久教道沛然大洽蓋其條約簡易如其  
所存而人之信之自有不言而喻者矣戊辰召入爲  
太常少卿己巳以少卿兼翰林院侍講署詹事府事  
秋八月開經筵公進講虞書一章詞懇音暢左右聽  
之聳然庚午陞戶部右侍郎是冬改禮部遇恩例給  
三品誥命又明年轉左侍郎滿考當廕子乃廕弟遜  
志之子汝翼爲國子生甲戌春知貢舉乙亥拜南京  
禮部尚書踰歲以齋聖壽表至畱爲禮部尚書凡祀

享朝會諸儀必考古據今行之唯謹尤務持大體不爲文義所牽制屬吏有以節孝當旌門而於例少礙爲請公曰此勵俗之具其亟行之無拘拘也公用心之厚多此類丁丑春復知貢舉夏五月命以尚書兼翰林院學士內閣管誥勅仍掌詹事府事兼教習庶吉士公惓惓以立志敦行爲言曰學者宜甘澹泊服勞苦以爲他日受大任重之地向予輩初入館艱於置騎徒行者久之雖暑寒弗輟也今寧有是夫衆皆歎其不可及公自蒞部至今劾勞旣久事罔不治上恩遇日隆前後被賜玉帶者一蟒龍衣者二賞功

大館  
騎徒  
行

銀牌者三及文綺寶鏹諸時物皆預然公自是引疾乞歸甚力數年間章凡九上輒蒙溫詔褒答若曰卿學行老成譽望素著豈宜引疾求退尚其善加調攝亟出供職以副朝廷委任至意公聞命益知感激強起視事戊寅冬偶以氣否延醫在告閱兩月竟至不起實己卯二月二十七日也享年六十有四

資政大夫禮部尚書兼翰林院學士掌詹事府  
事贈太子太保謚文恪溫公仁和墓誌銘

嚴 嵩

嘉靖癸卯七月禮部尚書兼翰林院學士溫公卒于  
蜀之里第訃聞 上命有司給祭葬如例贈太子太  
保賜謚文恪公諱仁和民懷字也高祖子成仕為蜀  
遂寧知州因家成都華陽曾祖諱良蜀府奉祠副祖  
諱彥中蜀府良醫有四子長曰琮官至布政使季曰  
璽河南叅議而公叅議之子也舉進士改翰林庶吉  
士授編修以忤逆瑾意出補戶部主事瑾敗復為編

果考  
滿乞  
得封  
與

修進侍讀克經進講官丁繼母張夫人憂服除進春坊左諭德兼侍讀 上選用公等六人日侍講幄賜金綺束帶陞侍讀學士修 武宗實錄克副總裁擢吏部右侍郎兼學士仍侍日講修 獻皇帝實錄復克副總裁公念參議公年高奏乞馳封以已之官從之未考滿得封典蓋異數也 上將大用公有尼之者乃以專管誥勅入東閣而公乞歸養甚力命馳驛以還加賜白金文綺公緣侍逾二年封侍郎公卒朝廷賜祭葬服滿後數年始就徵如前官命史館經理御文又命攝吏部事拜工部尚書仍兼學士改禮部

尚書掌詹事府事加太子少保 車駕南巡奉勅留

守京師 駕還 皇太子遣公奉迎於涿州 上賜

白金綵幣勞焉已而特命公克監禮使扈視 章聖

皇太后梓宮南祔 顯陵勤勤備至享畢發錫有加

當是時 上眷注甚隆而公以病疏再上乞歸甚懇

上惻然許之賜寶鏹給驛以行命有司俟病痊奏

用恩禮甚厚公舉止端重有大臣體沈深善謀數抗

論國事大同之卒擁兵阻城公謂當以慰問代藩遣

官因視卒罪狀可撫則撫之便又寧夏撫臣以慶王

不軌事聞請徙之高墻因興兵案誅從反者而公言

議大  
同及  
慶府  
事

事未彰白未可卽禁錮請勅戒諭王不悛而後治之以明朝廷議親之仁旣而遣官薄問王果得赦而夏人免于兵家圖像以祀曰活夏城者溫公也公博學強記爲文辭號稱爾雅嘗同考會試者再主考應天順天鄉試各一辛丑主考會試兩克廷試讀卷官公所歷任侍從清選官至六卿然弗及大究厥施論者惜焉生成化乙未享年六十有九

禮部尚書掌詹事府事霍文敏公韜行實

江寧何世守

公姓霍諱韜字渭先始號兀厓後更曰渭厓得姓自周封霍叔家太原其後世自太原徙南雄又自南雄徙南海遠系莫悉高祖義曾祖玄珍並隱德不仕祖厚一考華號西庄俱以公貴贈太子少保禮部尚書祖妣徐氏妣梁氏俱贈夫人公以正德壬申克郡庠生癸酉領鄉薦第二甲戌首選南宮 廷試仍擬大魁偶封卷中舍倒用官銜印更之復爾主者咸謂天數遂置二甲第一時尚未娶引例告歸讀書西樵山

中丁丑丁酉庄公憂服闋不出辛巳 世皇御極起  
爲兵部職方主事仍謝病歸山丙戌陞詹事府少詹  
事兼翰林院侍講學士屢辭不允遂起赴任丁亥陞  
詹事兼翰林院學士再辭不允戊子陞禮部右侍郎  
懇疏辭免又陞禮部尚書五疏力辭乃免己丑克會  
試考官庚寅丁母梁夫人憂癸巳服闋陞吏部右侍  
郎隨轉左侍郎甲午履任丙申陞南京禮部尚書己  
亥改禮部尚書加太子少保掌詹事府事庚子十月  
七日卒于位 世皇震悼贈榮祿大夫太子太保謚  
文敏祭葬如例遣官護喪營兆域始終隆寵無替云

公幼有異質年十九始就小學卽大揭居處恭三字  
坐立相對出則翼然目不旁觀衆識爲遠大器甫學  
踰月四書背誦皆遍師授周易日誦數千言未幾遍  
師驚謂西庄公曰君兒非常人也一二歲間諸經俱  
旁通子史無不淹貫尤喜大學衍義時有老儒說太  
極圖聽者如堵公徐登堂辯析奧義老儒驚曰吾不  
如也登第後觀政吏部目擊時事雅不樂仕歸娶後  
遂不出旣起職方感遇 明主卽上三劄首論學與  
政次六部掌故次中外時弊侃侃數萬言通達剴切  
識者謂賈董劉蕡不過是也時有議輔臣擁立功封

勅仕  
劄上  
三劄

伯爵者有禁省言官褻服迎 旨者公疏論正之有  
京城守門中官暴奪商貨聞欲投訴於公則嚙指索  
然亟追還之時多事趨謁公獨執守自重與時齟齬  
仍謝病歸山疏中有早年色慾過縱血氣虛損之語  
蓋是時 世皇睿齡方少故公陰寓諷諫云居山惟  
以讀書考古爲業不輕接藩憲郡邑諸僚間有酬答  
簡書不襲治生字謂已掛籍朝紳惟天子治之尊不  
可有二上也大禮議起廷臣咸欲 世皇父 孝宗  
而母昭聖公謂天親不可人爲天下未有無父之國  
若以付畀神器之故而更父母之稱是利天下而忘

禮大

親不可爲訓辯難周悉然嫌於出位干寵止白之輔  
相禮官莫可正綱常而全 聖孝也主者固執衆口  
同聲牢不可破公乃疏陳所見詆禮官執議之失詳  
辯禮經爲人後之文兼有二三臣工各陳其說相繼  
疏進大倫遂正羣議始息 世皇覽公奏疏至於泣  
下悲動左右而公之忠誠簡在 聖心矣轉補宮詹  
兼翰講屢辭不出曰不敢以議禮得官也 欽命有  
司守促之始勉赴任公感激異恩知無不言言無不  
直雖觸時弗忌顧時天下事大可虞者戶口日耗冗  
食倍增河防久潰民間田畝半減初額西北不靖哈

天下  
大事

密卑弱土魯者驕強朶顏貳志大同梗命公並畫策  
上陳時議建之而疏鹽法疏老臣遺議疏救積弊疏  
係 聖躬疏翰林內閣舊制皆關國體切時艱並蒙  
採行王新建守仁有奇勲王兵書瓊有邊畧康翰撰  
海李副使夢陽輩俱善文章並坐廢棄公極力薦之  
且謂臣俱不如也奉 命克日講官因坐講禮久廢  
婉疏辭免註西漢書上之張羅山孚敬桂見山萼相  
繼入相忌者倡黨人之議疏逐二相公謂黨之一字  
打盡善類能空人國上疏論辯且自求罷斥 世皇  
優旨批答二相遂留而逐其主黨議者時謂公有回

天之力焉轉詹事兼學士修明倫大典克纂修官隨  
轉禮侍禮書俱懇辭免刑部尚書胡公世寧疏薦公  
孤忠勁節近臣罕儔宜特授都御史仍兼詹事專責  
其論思繩糾則朝有直臣奸慢震肅 世皇優詔答  
之己丑主考會試簾內外弊剗革殆盡文體爲之一  
變楊少師博葛尚書守禮程尚書文德唐都憲順之  
羅修撰洪先楊編修名揚御史爵並表表者皆公所  
錄士也公諄諭諸士不可以門生座主結私恩忘國  
大義超俗之見時所僅聞未幾修大明會典克副總  
裁首撰六部提綱以獻歲省供給冗費數千兩庚寅

兩郊議興公援古義遵 祖訓力主合祭且移書禮  
 官及夏給事中言論辯得失 世皇見公執議不回  
 溫旨下諭公執愈堅夏遂以公所移書上之謂有指  
 斥因下公獄 章聖太后深知公忠為之內解會天  
 雨霾三日晝晦武庫震動 世皇大悟宥公天驟開  
 霽人以為忠誠所感未幾聞母梁氏夫人喪回籍守  
 制 世皇念公不已忽於儒臣議事別疏內批公忠  
 實深致眷獎服闋起吏侍上大同事宜神箭禮儀等  
 疏俱見允行自以進賢為已職任故秉公論薦不避  
 親讐推陞霍賜奏錄梁次挹俱內舉之人薦豐熙楊

舉為  
 不避  
 嫌

著於  
 用人  
 弊

慎徐文華唐樞等皆大禮大獄得罪陸粲則攻擊公  
 與張桂者也舉動光明人咸欽服攝掌部篆僚屬守  
 法惟謹權貴無敢干以私鑽囑之風一時屏息拔淹  
 滯察舉劾調停內外資格不拘吏定積歲條例未便  
 遵守吏胥有犯即治無輕貸者私書私儀絕跡不敢  
 至門下謝恩私室者亦無之蓋公廉之化人自不敢  
 賣也先是大選舉監考卷分別五等惟視官職散要  
 為等差不以品級高下為先後也逮至呼名與放榜  
 則以品為序迹甚相左遂有私售中變之疑公察其  
 然明揭榜示眾咸帖然舊凡考選言官多取外貌兼

之屬賄妨公法紀遂亂故未試而官以先定庸流而  
濫秩要階公惟據考卷取其才識優長者用之故當  
時人人稱焉其大選舉監亦然凡投選及各項文移  
吏革多假駁查送問爲騙局公立法當堂明諭奸吏  
無所措手吏役應撥諸衙門實叅者例俱拈鬪以示  
不私惟吏部及錦衣衛吏則坐名撥缺蓋皆依託勢  
要行重賂以圖厚獲者新舊相代索頂首銀多至千  
兩公一槩闕撥之痛革頂頭之弊文選司有寫本承  
差十二人皆勢家豪戶買納者日用厚費供司屬宴  
飲授選日則擇地註官公盡黜革之錦衣吏恃衛官

京史  
骨頂

主邏緝能羅織人故橫肆無忌有事則衛官力庇之  
人莫誰何有吏酗酒毆辱進士羣黨助之訴之高堂憲  
置不問乃訴公公命人執吏送刑曹問如律羣黨衆  
役通匿公悉除其名移原籍究之人心痛快衛官斂  
手公署部篆歲餘宿弊盡滌仕路一清自來名家宰  
不是過云往時部事多主於冢宰二少宰不甚與聞  
誠齋汪公旣任公啓以當擴大公無蹈往轍汪雅從  
公不自擅自是少宰無伴食者矣夏閣老言屢囑私  
人於汪冢宰悉爲公所執沮銜恨愈深因府尹劉淑  
相發夏言賊私夏疏辯論劉不當遊銀山暗波及公

南宗伯釐正事

而盧庶吉楸李給事克濁胡御史守忠輩聽夏指使  
先後誣捏論公賴世皇知公不為惑夏憾不已值  
南禮缺夏遂謂公資望當補蓋擠之出也先是南六  
科官途遇南六卿不避馬公聚會議相與敵禮歲時  
拜萬壽牌拜進表箋俱乘馬突儀仗鼓木嚴時  
則大宗伯朝服搢笏送茶每季終六卿具職名手本  
送科註銷公論其越分慢君莫此為甚而搢笏送茶  
職名註銷非臣下所宜受並疏正之諸施為建白若  
拜牌更十二拜之禮制帛嚴導送之儀擬差小九卿  
之進箋議革小京堂之用轎察百執事之拜孝陵

論劾劉監丞之衝儀仗此皆關係禮儀之大者禁近  
喪之設宴飲絕婦女之入庵院罪樂戶之買良人毀  
淫祠建社學散僧尼表忠節此皆關係風化之要者  
禁諸司之強買貨物除夫役之守宿私衙查坊長之  
供辦酒席省地方之賃倩卓椅革樂工之日辦茶菓  
核開讀之恤老實惠此皆關係民隱之切者崔文敏  
有云涓厓南都舉動真禮部尚書也有富家廣置宅  
舍假住縉紳不責賃租而巧局取厚利公移文南憲  
院查沒以建官舍南人快之有謫任言官官箴大戾  
而夤緣復官有行取大尹不堪風憲擢補吏部有文

選郎中賄復寫本承差俱恃冰山干紀者公併疏論  
 劾儉穢縮首公蒞南都二載風望凜然羣工斂戢豪  
 勢震懾小民受惠雖兒童走卒婦人女子無不知頌  
 霍公霍公云是時土木煩興工費靡極公轉宮僚遂  
 進 東宮聖功圖以諷雖未奉 俞旨然以納忠不  
 罪也官舟北上不欲勞民儀從落落有誤犯之者既  
 覺猶以為偽乃曰尚書聲勢豈若此乎南都設有黃  
 馬快船歲載時品及供御物進京師船卒藉中官勢  
 凌害驛遞沿途甚苦之公目擊其事即移文部院及  
 所司痛治之其後稍戢入弼 東宮會訛言 聖駕

南巡

將復南巡有司科歛騷擾遐邇皇皇公請 明旨榜

論事 九疏

論之且論前扈蹕及護送 聖母梓宮諸臣受賄擾  
 民之弊事遂中寢說者謂百萬黎元更生 世皇一  
 日忽內出監國之諭公與楊太僕最具疏先後上公  
 疏獨留中公嘗建議職官犯贓滿貫應死罪者仍擬  
 真犯正法市曹以警貪墨聞者吐舌惜未之符也公  
 自筮仕以至宮保疏凡九十餘上諸辭謝題復不與  
 馬皆關係 君德人倫國體世道嘉猷可傳百禩者

也公重瞳虬髯風格峻整性孝友事西庄公梁夫人  
 曲盡子道兄弟和氣怡怡無少間隙教諸子惓惓於

包子  
廢移

忠孝仁義不令服華美飫肥甘亦不令受僮僕尊大之稱寒暑所更衣時令自浣晝暇則令耘草灌園愛諸姪如其子三品秩滿任子恩移廕小宗長姪聚宗族合食凡產業俱統于一租稅所入伯兄振先掌之以均族衆所得俸薪亦以均之不自私合族內外循禮守法家政斬然既貴卽飭家衆不令干外事凌鄉里既顯益加嚴飭仍著訓以訓於家生平極篤故舊其隱士學陳隱士公贊俱貧賤交也貴顯後皆以子婚其女張羅山沒後權貴願指凌其後人公倡義極力保護哭張辭有云吾後死者決不負羅山也又如

重理學名臣力舉章楓山之恩廕執公議出周推官於死獄犯權寵辯劉府尹之冤誣經紀故人鄧訓導之亾追還故相梁厚齋之產此皆今人所難者公視之則爲細事耳官至宮保衣無重綺食鮮珍味見士夫侈靡者深鄙惡之多有慚而化者喜引進後學有美質高業者必延以隆禮極力薦揚多所成就客至私宅雖士類必令出入中道揖拜令如禮不使作僂偃罄折之狀至惡惡人則真如蛇蝎不少假借每草章奏數千言下筆立就不復點綴作古文詞自出機軸絕無蹈襲所著有書解詩解春秋解西漢書稿藏

碑  
驅虎

於家程朱訓象山學辯兢兢集俱梓傳周頌解則繫  
獄時筆也奏疏詩文諸作梓有全集廣之英德江中  
有怪石爲患衆神之創廟祀焉公毀其廟未幾雷擊  
去其石洪濤驅沙江爲安流清遠飛來峰有虎患公  
移文山神虎遂絕今其文監寺中世呼驅虎碑蓋公  
之精誠正氣足孚鬼神故感應如響守億侍公教時  
公間言夏閣老言及嚴嵩尚書俱不得其死是時夏  
寵方隆嚴奸未露守疑公言過甚公曰秀才寧識此  
機第記吾言後十年夏誅又十年嚴敗不得其死噫  
李文靖真聖人公非其儔與公生成化丁未四月二

十一日年五十有四配區氏繼鄭氏先公卒俱贈一  
品夫人鄭夫人卒時有旨賜祭葬公懇辭免蕭室呂  
氏老氏呂氏以子與瑕貴封安人子男九長與璞岸  
生公夢後二年卒未娶次卽與瑕已未進士甚有公  
風尹慈谿多善政不畏強禦觸忤權貴落職慈民思  
戴爲之立祠 今上登極以薦起補尹鄞縣擢南京  
太僕寺丞公未恙時璞瑕俱遣歸廣應鄉試疾旣甚  
屢歎曰死定數耳只不得口授二子以千年絕學濱  
危不能作字令人代筆遺書兄弟令謹守家訓又口  
稱天地間道理五字語不及他未幾遂逝訃聞 上

嗟悼遣禮部侍郎馬汝驥致祭行人游震德護喪南  
歸諭祭四壇公既沒後海內士夫無問識與不識罔  
不惜之旅襯南還時士大夫有徒步數百里外撫棺  
痛悼者南都士民無不嗚咽泣下謂天不陰隲下民  
奪公若是之速也是可見君子感人之深矣自茲以  
後在位君子固不乏人而世變下趨邪佞羣起貪婪  
如市軟滑成風奢靡相高奔競不恥銓司鬻爵科場  
賣題從仕者假貸以干赴任者債家同往無復公立  
朝時氣象矣戊午己未間嚴氏權勢益盛其稚子家  
僮悉能役使冢宰司馬每有選授陞轉必候其父子

頤指或中貴口角或孔方面皮識者每扼腕歎曰渭  
厓公若在位世道寧至是耶其時守給由銓部日見  
吏胥家僮索賄壻下名曰討禮兒雖冢宰後堂泣事  
司屬幕廳集候不之畏也且曰今上下皆然爾卽訴  
之吾何怵焉士夫並仰天歎曰渭厓公秉銓時奴輩  
敢若是耶南都民間自公北轉後受害無異昔時民  
並垂首泣曰霍公在南時吾曹豈至是耶公以貞心  
浩氣正學宏才言人所不敢言爲人所不能爲使得  
位躋輔相大展經綸其所建立又不止此惜乎遭際  
已奇任用方篤而奸人間之於前百計擠之於後使

公治平之術不得盡展豈非天乎然賴 聖明洞察  
始終係全雖公之忠誠足以結知 聖主然天扶社  
稷佑助忠賢顯道昭彰不可掩也說者謂公之踪跡  
類張曲江誠知言哉

魏莊渠與林勿欺書云兀厓之亾於世道有大關係  
南京一小內臣大叫曰朝廷崩一座山矣里人有在  
山東作縣回者曰昔傳駕又將出官民俱不知死所  
卒賴兀厓回天則兀厓非但忠臣乃直隸河南山東  
之再生父母也

已丑主會試士有勦述莊老野史逞博炫奇者置勿  
取謂變詩喪禮至道攸寓特以命題不復拘忌春秋  
比事碎裂經旨不以之試士

初則不認毛澄李時爲座主後則不認三百人爲門  
生其言曰是進士者 天子不用爲私臣我衆執事  
豈敢曰士由吾進爲吾門生市私恩乎

妻鄭歿 諭祭一壇工部遣官造墳安葬因給假而  
得卹典懇切辭 謂辭則真辭受則真受若僞爲辭  
讓以沽虛名又從而受之以得實利是不忠之首也

墓誌銘李開先

太子少保禮部尚書兼翰林院學士掌詹事府

事贈太子太保謚文節孫公承恩墓誌銘

徐階

公諱承恩字貞甫教齋號也其世曰孫氏出晉御史大夫康宋之南自汴徙居武陵元末有為上饒錄事諱伯英者避方國珍亂始來華亭再傳至士達生子獄舉成化戊戌進士仕終延平知府郡人為立遺愛祠自延平而上凡三世皆以公貴贈太子少保禮部尚書兼翰林院學士妣皆夫人其生曰成化辛丑十二月十日卒嘉靖辛酉八月二十一日享年八十一

其配曰吳氏封孺人累贈至夫人繼娶楊氏封夫人  
所子兄之子曰詹事府主簿克紹側室錢所生子曰  
前軍都督府事克弘其葬曰嘉靖癸亥十二月十六  
日墓在蟠龍塘祖塋之右其歷官曰公舉正德辛未  
進士改翰林院庶吉士授編修當是時權貴人數亂  
政公歸卧於家者七年 今皇帝即位始拂拭其衣  
冠告所知曰吾可以出矣及登朝以選使安南又久  
之以纂修明倫大典遷左春坊左中允克經筵講官  
兼講大學衍義連主南北畿鄉試遷南京翰林院侍  
讀學士 皇太子生召爲詹事府少詹事兼侍讀學  
士禮部右侍郎缺銓司舉陸文裕公及公以聞詔特  
用公仍兼少詹事侍讀學士克經筵日講官數遣視  
牲南郊陪祀 帝社稷代拜永明祭先師於太學春  
禮出尚書上轉左侍郎改吏部左侍郎掌詹事府事  
同修玉牒克會典副總裁主考會試遷禮部尚書仍  
掌府事改掌部事兼掌府事會有忌者力引疾以歸  
然 上每念公見謂可信任逾年召掌府加太子少  
保疏請 皇子講讀不報遂以疾再疏乞致仕詔賜  
馳驛并許以克弘侍行凡居家十年卒其卹禮曰自  
聞喪至於葬賜祭四壇遣中書舍人梁孜治葬事贈

太子太保謚文簡又將磨其孫其行曰公事親孝始  
延平以祈雨得疾後公每值祈雨日輒感額不欲聞  
母阮夫人以上元日生公歲張燈爲壽夫人歿不復  
燃一燭撫其兄之子克嗣孫昌祖族之孫今鄉進士  
友仁及焦氏之寡姊母族之孤嫠朋舊之貧且病者  
咸有恩於辭受無所苟然生而直項寡言與人交雖  
所知厚自一揖外不能致款曲卽有所得於人亦不  
能懇懇爲謝或說以名位可智力取輒辭曰有命又  
或強之面發赤不復答聞有毀已者笑曰吾固無愧  
於心間受人欺輒又笑曰誠不意乃爾於書無所不  
窺及對賓友一不以資談論故在大夫之賢者罕克  
知公而其不肖者因謂公易與思有以挫沮陵躡之  
獨賴 上識公醇謹遷轉召用多出 御筆公遂得  
至貴顯 上在位久明於人情凡大臣請告者率見

疑獨公以誠見諒得以恩禮去位自少至於老手不  
識握算亦未嘗一問米鹽細小物價之盈縮故公年  
踰八十乃其心渾然赤子之初其制作曰在 武宗  
時有修德應天賦 上之登極有正始箴有鑒古韻  
語 上南狩還有大孝頌皆志存勸戒雖或取忌取  
謗爲之不疑垂卒有遺表曰慚負國恩虛生人世捐

殞已矣銜結茫然惟 聖躬康壽天曆彌長則臣死之日猶生之年讀者以爲公於愛君至死不替有古大臣之心而其他若使交紀行稿使郢稿集古像贊易卦通議女訓灤溪草堂全集以文章稱雄於世者未暇論也予後公舉進士十年猶及與公同在史館宮僚之選予自江西副使獲隨公升于朝後公視篆詹府而予繼爲禮侍公歸予實代爲禮書公之再起予忝在內閣與公處甚久稔知公之爲人蓋真所謂長者故公之歸予爲文贈之又以文壽公八十及旣卒又合謚法所謂博學好問一德不懈者謚公而茲又按大叅鳳峰沈公狀序其事之大者以銘于幽銘曰世衰道微文乃盛孔子因之思先進公生業文獨質勝口無甘言色不令紛華滿前一無競羣趨衆謹持以靜人莫知公 主明聖南宮詹府佩兩印旣歸名 親錫命行且相公公則病吁嗟有德用未竟

華燁照史乘易名文簡行允稱

資善大夫太子賓客禮部尚書兼翰林院學士  
掌詹事府事贈資政大夫王溪張公潮行狀  
費案

嘉靖甲辰春二月六日上特命公主試天下士越十  
五日既進策目呈御覽比晚忽痰湧暴卒於聚奎堂  
上二鼓時子士麟扶昇還私第越翼日侵晨案始覺  
徃哭之盡哀予與公日多同事月之三日方同宿於  
直廬言笑疊疊乃十日不見遂成永訣尚忍執筆狀  
公事哉公諱潮字惟信號亭溪更號玉溪其先系出  
湖廣之崇陽國初遠祖諱福七府君者占籍四川之

內江遂家馬屢傳至大器號勁庵配余氏繼配劉氏  
爲公考妣俱以公貴贈太子賓客吏部左侍郎兼翰  
林院學士及贈淑人勁庵公倣儻有直氣自爲丙字  
庫大使遂不肯泯泯屈人下陞行唐縣主簿專理易  
州厰柴炭不受乾沒釐革宿弊殆盡時公年十二攜  
從任令游學於內翰劉五清之門恒讀書踰夜分劉  
淑人恐過勞戒之甚嚴公藏燈帷中默誦不輟勁庵  
器之撫其背曰兒他日必亢吾宗吾何戀此小官爲  
邪九載考績遂力乞休致銓部異之陞湖廣布政司  
照磨不赴任公歸肄業山中每朔望歸省途次必腹

屬文一篇越正德庚午舉於鄉辛未連舉進士入翰  
林爲庶吉士迎養劉淑人於京邸癸酉授編修甲戌  
克會試同考試官教書內館丁丑請假送淑人還鄉  
庚辰復任嘉靖辛巳今上踐祚克經筵展書官壬午  
預修武廟實錄乙酉陞侍讀克經筵講官實錄成陞  
司經局洗馬賜金幣丙戌克殿試受卷官丁亥陞侍  
讀學士兼日講官撰誥勅日錄國史時上方銳意文  
學日進儒臣講論經史日公舉動閒整敷說明鬯每  
心識之明年戊子主應天鄉試初下詔變文體就切  
實公殫心校閱得名士而梓文詞達理到士咸服其

論天  
地當  
分祀  
甚詳  
而覈  
可為  
議禮  
之據

知言已丑克殿試讀卷官庚寅奉詔與議郊祀禮羣  
議分合相半公據經引史旁及子集斷以祖宗之舊  
反覆辯論幾及三千言大約謂禮之可疑者八難行  
者二一曰合祀之說雖證以昊天有成命詩序而其  
詞却又專頌成王分祀者不過援周禮奏樂於圜丘  
方丘數語而北郊則僅創自漢儒標取孝經緯文天  
神主北辰地祇主崑崙殊為荒謬二曰六經有祭法  
有祭天泰壇祭地泰圻之語而亦無南北郊文唐賈  
曾表引春秋說王者一歲七祭天地合食於四孟王  
肅述孔子云祭天而地配於經皆無所據三曰易殷

薦上帝以配祖考舜典止肆類上帝及祀六宗山川  
羣神周禮以禮祀昊天上帝以實柴祀日月星辰而  
司中司命風師雨師社稷山澤四方百物各以物祭  
及月令凡祭祀亦斷自昊天上帝山川四方宗廟社  
稷之神而俱不及地豈地道從天與中庸所以祀上  
帝之文同乎四曰禮言郊禘或言郊廟或以社對帝  
或以社對郊釋之者曰言郊以知社稷之在國言社  
以知郊之為天地亦無的確五曰祭必有服掌王之  
吉服祀昊天上帝服大裘而冕享先王先公祀四望  
社稷五祀羣小祀各有服冕何祀地祇獨無若同大

裘則非夏至所宜六日祭必有配祭義云郊之祭大報天而主日以配月孝經云郊祀后稷以配天何北郊獨無配乎七日朱熹嘗言古時天地定是分祀却又曰五峰言無北郊只祭社便是此說却好似亦矛盾八日陰陽之義多矣如祭統以禘禘為陽義以嘗蒸為陰義則曰祭日於壇祭月於坎以別幽明以制上下何天地獨無陰陽至若周禮一歲九祭天朱熹所謂當時禮數簡儀從省故易行者是已今於天歲止一祀而春秋既祭社又專祀方丘則反崇地抗天非尊卑相承之道此難行者一也且周正建子故二

至祀天地於歲事為不紊今歲首在寅不從二至非順陰陽之義從之則於序有乖皆不合周禮此難行者二也惟聖祖時合祀已久雖其列壇從祀非古而當時著令命官分獻各以義起殊與漢晉唐宋神座十數百位者不同今不若循舊為便時上志先定分祀覽其言懇切婉盡亦不以為非未幾南郊創造園丘都御史汪鋐請集遷禁垣外塚墓上不忍盡遷限一里之內而止公亟上疏曰此正陛下不忍人之心發於至誠周文王行野見枯骨命瘞之曰有天下者天下之主吾其主矣卒斂而葬之天下聞之曰西伯

遷止 外墳

之澤及於枯骨况人乎今陛下事本敬天猶念及此  
卽文王澤及枯骨之仁也惟壇去外垣尚遠一里之  
內墳塚不下千萬餘區倘若於瞻對無妨悉容仍舊  
其恩尤溥疏下內閣執政者詰謂褻穢園丘匪宜公  
應之曰在園丘似褻然天無不覆卽遠遷何所逃詰  
者語塞竟得旨罷自是公之聲隱隱起朝著間矣辛  
卯陞翰林院學士掌院事尋陞詹事府少詹事兼學  
士掌府事壬辰聘主會試適侍讀學士郭杏東起自  
家食舍卒同應聘梓文多出公手筆事已讀殿試卷  
先是常念母淑人年高邁疾三疏乞歸侍養上重其  
去不允會陞吏部右侍郎公益歎說不釋曰慈親以  
戀官非子也復抗疏悃迫始獲允命給驛以歸入門  
拜慶淑人於床下悲喜交至母曰吾恒慮不得見兒  
今死無恨矣三越月卒公疏上聞賜諭祭一壇蓋特  
恩也服旣闋丙申用兩京臺諫交薦起復吏部右侍  
郎丁酉轉左仍兼學士與經筵日講己亥加秩太子  
賓客克官僚辛丑再掌翰林院事教庶吉士壬寅陞  
禮部尚書掌詹事府事教庶吉士兼官如舊公上疏  
辭讓詔褒答之曰卿學行老成講讀効勞宮端重任  
特茲簡用不允辭公自入院日課諸吉士業辰集申

散踰二年如一日衆服其教上聖學高明振綱馭下  
日益精勵慎賜予重委用覽詞臣文字最難許可惟  
公受知素深自爲吏侍迄今亟遣代拜先聖先師於  
永明後殿遣省牲於南郊正獻於文廟分獻於帝王  
廟陪祀於帝社稷於扈駕謁陵拜銀瓢方袋之賜於  
冬至拜五曆之賜於夏至拜金銀鉸川扇之賜於均  
思王題主拜金幣之賜於祭金海靈明城隍東嶽諸  
神各拜鏹幣之賜其癸卯忽賜米柿及御覽曆則又  
特恩之所及矣嘗應制和上奉聖母遊覽有詩賀嘉  
禾瑞麥慶雲靈鵲有賦賀瑞雪甘露瑞兔有頌賀時  
雨時雪有疏每被稱賞其時雨瑞雪中有雨珠玉不  
可爲衣食之句則溫旨特摘出以獎忠愛自元老而  
下眷遇之隆罕與儷者公輔之屬匪朝伊夕柰何溘  
然逝矣惜哉公生成化乙巳五月九日享年六十卒  
後占星者謂去冬文昌星次有白氣貫井分井分在  
蜀白主喪公蜀人主文章故應之蓋有數爲之先也  
公器度凝重與物無忤而中有介然不可拔之操自  
少卽能詩文讀書過目輒成誦尤工楷書入翰林後  
詩格益高文必根極理道不專尚華藻有玉溪稿若  
千卷藏於家性至孝勁庵公卒時公方爲諸生喪葬

卽遵古禮廬於墓側者三年劉淑人病痰公數以手  
掬之湯液必嘗而後進及卒泣血扶柩途行三十里  
至墓所忠愛尤出至誠旣榮顯憂時匡國之念彌切  
至形諸規諷少時賦寫懷詩有管取丹心獻紫宸之  
句今果然矣使少延歲月得究厥施勲業寧止此耶

嘉議大夫吏部左侍郎兼翰林院學士掌詹事

府事東白張公元禎神道碑 王 鏊

公江西南昌人生而靈異五歲出語驚人寧靖王聞  
其名召見之命爲韻語響應無窮有心定萬事定之  
語王倨然驚曰異哉斯童他日必爲國器考松亭翁  
攜以入閩閩人所在聚觀丐其詩文少長還爲弟子  
員都御史韓公雍奇之初寧靖王書元徵二字貽公  
因以名至是韓公爲易之曰元禎字廷祥謂爲國家  
祥瑞也天順己卯占江西鄉試明年擢進士入翰林  
爲庶吉士文名歛起久之授編修會 憲宗初卽位

上疏勸行三年喪又上疏言治道大本大原曰講學  
曰定治曰用人曰厚風化行此四者則庶政畢舉未  
幾與時宰議不合乃乞歸家居二十餘年益潛心性  
理之學名益高廷臣疏薦者甚衆有謂氣節恬退當  
今鮮倫至或有學貫天人之許當是時天下士大夫  
日望其起而公意確然如不復有意於斯世也弘治  
初召同修 憲宗實錄公惠然而起至則進春坊左  
贊善又上疏勸行王道反覆幾萬言實錄成陞南京  
翰林院侍講學士既又乞歸養母家居又九年當是  
時天下士夫猶日望其起也修大明會典召爲副總

裁至是陞翰林學士侍經筵日講時 孝宗雅意向

公特爲低几就聽之旋以母憂去服闋擢南京太常  
寺卿修歷代通鑑纂要又召爲副總裁至則改太常

寺卿兼翰林院學士仍侍經筵日講并侍 東宮講

讀未幾命掌詹事府事管誥勅上疏勸經筵宜講太

極圖西銘 東宮兼講孝經小學 孝宗欣然嘉納

亟索太極圖以觀曰天生斯人以開朕也且將大用

之不果今 上卽位進吏部左侍郎仍克實錄副總

裁未及上而公以疾作不起矣正德元年十二月晦

也明年九月其子家始克奉其柩以歸以某年月日

勸經  
筵講  
太極  
圖西  
銘

葬邑之某山詔命工部治葬事遣官諭祭公癯然纖弱崖岸孤削剛毅之氣不可犯人有過面折之爲文必欲作不經人道語晚乃削異爲同黜奇爲平所交若陳布政士賢羅修撰應魁陳檢討公甫皆以道學自許者云

吏部左侍郎兼翰林院學士掌詹事府事松溪

程君文德墓誌銘

羅洪先

嘉靖己丑試進士今上臨軒下問覽君所對能探

本賜御批擢第一甲第二人官翰林編修己坐同

官楊寶卿封事下詔獄謫信宜典史前後翰林三年餘所獻郊祀議選庶吉士疏靈雪頌靈鵲詩各一親蠶行再進內訓講章及四詩上嘗開無逸殿宴近

臣君得與上無逸講章乙未量移安福知縣丙申召爲南京兵部車駕主事轉員外郎迎養歲餘丁外艱辛丑起復補兵部車駕轉郎中屢上禦虜疏甲辰擢

廣東按察副使提督學校未上擢南京國子監祭酒  
庚戌擢禮部右侍郎以外警奉旨提調監督宣武門  
壬子轉吏部左侍郎癸丑會試知貢舉畢事兼翰林  
院學士掌詹事府事教庶吉士例賜帝社稷胙二甲  
寅奉撰御文上瑞穀長至表乙卯將擢南京吏部尚  
書忤旨改南京工部左侍郎辭謝有言褫職罷歸君  
幼聰敏嘗師山陽胡司寇璉爲人博厚坦夷不設町  
畦聞甘泉湛冢宰若水明道術走其門未有得其後  
激於人言卓立檢飭斷斷必爲君子不忍以世俗終  
其身幡然變故態視舊所爲如兩人縉紳間言敦朴

方巖善執持少機械者必歸焉蓋寧失之迂無寧或

以智巧聞卽受人欺絕不能他易也嘗同于祭長

陵中道偶談孝宗皇帝事相對泣下悲不勝見實

卿封事調停削名甚衆比考掠無一語在廣中舉何

王金許之學誨諸生遷信宜學建麗澤書院至安福

行鄉約處里役摧強節用下士愛民建復古書院至

今垂二十年邑人之誦德一日也兵曹嘗言車戰法

多見采行臨南雍以體諸身者爲言用情尚質而謹

服習蓋有力踐而不能發揮鼓舞以聳羣聽者矣未

有微涉踰溢不能自掩者也吏部當考察京朝官留

意賢否嘿有助益詹事故事養尊望而遠外嫌君聞  
兩直隸河南山東大饑朝議開納而澤不速下爲計  
粟麥黍菽可助食者稱其數請早入以期有濟上  
從之南京冢宰之擬君苦親喪未舉也顧以得罪旣  
歸囊無餘金

習詹事嘉言傳

蕭 鏞

公習氏諱經字嘉言以字行臨江新喻人其先袁之  
萬載人也世爲邑望族曾祖漢州祖均泰皆不仕而  
皆以仁厚稱于鄉父懷恭用明經薦南雄郡學訓導  
歷湘潭教諭以公貴封翰林編修母吳氏封太孺人  
公自爲童子誦書屬對已出其輩類稍長工詩歌每  
命題下筆立就先生長者歎譽之聞其姪侃舉進士  
瞿然奮曰我可以後邪遂從其伯父國子學錄懷清  
受詩經已而侍其父湘潭改學春秋日夜刻苦自勵  
永樂丁酉以儒士中湖廣鄉試魁其經明年登進士

第當是時 太宗皇帝方崇文治詔選翰林庶吉士  
績學中秘以待用一時在選者十五人公其一也未  
幾預修天下郡志越二歲雲南守臣進黃鸚鵡制試  
庶吉士詩賦中者僅六人皆授職公中前列授編修  
預修通鑑直解宣德丙午修 太宗 仁宗實錄及  
君臣故事丁父憂去起復陞修撰正統初預修 宣  
宗實錄直講經筵賜寶楮白金文綺實錄成陞侍讀  
賜織金襲衣銀幣有加以母憂去起復適甲子夏旱  
奉命祀泰山將事虔恭甫畢大雨沾足有司爲勒石  
紀其事乙丑考禮部會試丁卯考京闈鄉試人服其

公 今上卽位陞太常少卿壬申夏五月 皇太子

正位 東宮陞詹事府詹事詔贈其父太常少卿母

妻皆恭人越三月得疾終于官享年六十有五公爲

人識優材贍而溫恭典重未嘗少矜于人雖渾無厓

岸而確然自守不妄隨而苟止也書無所不讀自經

傳子史百氏下至陰陽醫卜天文地理之說橫豎鉤

貫爲文章弘博演迤若無際涯而於詩尤長清肆閑

雅可喜當時求者接踵於戶而公應之恒有餘然雅

負經濟嘗陳六事一日奉天道欲人君懷敬懼以勤

政務二曰崇人道欲敦孝第以廣親愛三曰隆君道

欲開經筵備講論之益四曰重臣道欲親商確審可  
否之宜五曰簡文職欲嚴選舉慎考課之典六曰修  
武事欲選將帥明戰守之術其他尊主安民之略  
尤多蓋公汲汲以康天下爲心不但專文學而已在  
太常再踰年爲詹事僅數月而其僚屬吏胥下人至  
今稱思之

嘉議大夫詹事府詹事兼翰林院侍讀學士贈

禮部右侍郎治齋陸公簡墓誌銘

李東陽

弘治己卯正月八日詹事陸公卒仲子吳章以訃聞  
朝廷賜祭葬如制長子含章來自家復援前比以請  
特贈禮部右侍郎錫之誥詞公少有盛名成化乙酉  
以府學生舉南畿鄉試第一連擢禮部高第廷試第  
三授翰林編修與修英廟實錄未成引疾歸肆力  
問學其父郎中公得謝南曹公乃北上分勘通鑑綱  
目暇則應制賦詩數賜楮鏹會修宋元史續綱目分

領元史丁酉書成賜金幣九載滿例遷侍講再閱月  
仍以修史功陞右春坊右諭德 今上在春宮侍講  
讀庚子主考京闈鄉試癸卯丁郎中公憂讀禮既益  
大肆於學未輒出弘治戊申 今上詔修 憲廟實  
錄公被徵至則以侍從舊勞陞右庶子兼侍讀克經  
筵講官尋命日直便殿講讀辛亥實錄成陞詹事府  
少詹事兼侍講學士復兼領玉牒事癸丑主考會試  
甲寅以日講勞特陞詹事兼侍讀學士僅閱月而病  
闕歲而卒年五十有四而已公姿貌秀偉識趣超詣  
見者謂當遠到公亦重自待必欲大有施於時埋光  
鏹彩不自露洩而鋒穎隱出若莫能制其所受職纂  
述精確講說明暢校閱詳慎舉無遺力退而爲文縝  
密峻潔力追古作而不輕應接有求之積歲卒不可  
得者然所著有累百數十卷蓋其發情感物之作爲  
多志尚修潔晚益劘礪喜談節義嘗念宋刺史姚萇  
等十八人死難言於有司立忠義祠祀之君子謂公  
於是有遠識焉公諱簡字廉伯一字敬行號冶齋又  
號龍臯子考諱愷舉進士累官南京戶部郎中

通議大夫詹事府詹事兼翰林院學士贈禮部

右侍郎謚文裕陸公深墓表 許 讚

公諱深字子淵號儼山高祖餘慶曾祖德衡祖璿考  
平號竹坡前妣瞿氏妣吳氏世居上海洋涇原吳淑  
人夢童子浮海捧冠帶入戶翌日生公成化十三年  
八月十日也公穎慧迥異五六歲能辯字義誦古詩  
稍長洞究經史文思警銳入邑庠學益宏偉弘治辛  
酉領南畿鄉薦第一人乙丑會試第九廷試二甲第  
八入翰林爲庶吉士正德丁卯授國史編修踰年丁  
母憂逆瑾銜公不附改爲南京主事庚午瑾誅復公

職壬辰與經筵展書克副使捧冊封淮王義不受餽  
丁丑克會試同考戊寅命於內書堂教習中官嚴而  
有條八月陞國子監司業署監事奏黜不法典簿勢  
家子犯監規痛朴不貸辛巳三月丁父憂哀毀無節  
裹制準禮作祖塋祠堂癸未服闋不忍遽離新塋奏  
允家食時勤展祀戊子二月詔起為國子祭酒懲玩  
縱飭繩檢循資撥歷息躁競弊八月克經筵講官敷  
陳劄直 上為嘉聽是月賜明倫大典巳丑三月值  
公講晨先送講章於內閣更竄數語公講畢奏講章  
詞義不浹非臣原撰敢請無再易 上是之公以面

講筵  
前奏  
內閣  
不當

奏非舊具疏認罪 上宥之公復抗疏言經筵啓沃

聖心雖百司庶府事皆得依經比義類陳庶無壅蔽  
奉旨謫延平府同知惟感恩自咎買舟以行至任躬  
勤民務陞山西按察司提學副使教條法約盡滌積  
弊黜王府從良優人馬氏子入學者學校增氣陽曲  
生員劉鏜父為知縣答死訴於趙御史反咎鏜下獄  
公入辯不得直即劾趙挾私庇屬毀辱學校趙亦論  
公自解勅差董給事往勘得實公復職趙外謫壬辰  
九月公補浙江副使督學禁奇僻之文抑浮躁之習  
陞江西右叅政署印平反冤獄活數十人尋陞陝西

右布政道轉四川左使乙未至省節減供費飭屬惠  
下政遂大舉於松茂諸番挫制綏懷相機而行計調  
兵食以書策勵總兵何卿等進攻深溝等處遂平夷  
患捷上有白金文綺之賜丙申十一月陞光祿寺卿  
供億雖浩公裁制有方都人便之丁酉二月內閣疏  
公學行巨贍陞太常寺卿兼侍讀學士修玉牒是月  
克廷試讀卷官十一月郊廟禮成公蒙恩給誥進階  
通議大夫祖考皆贈如公官贈二代妣及封配皆淑  
人己亥正月立皇太子恩廕子楫爲國子生 駕  
幸承天 上以公原官兼學士掌行在院印命簡宮

僚改公詹事府詹事兼學士奏改先贈祖父并進封  
諸誥皆如公今官及贈前妣翟氏淑人庚子正月上  
言薛文清侍郎復性存誠本朝理學實自瑄始乞從  
祀孔庭 上又以公克經筵日講官賜與無虛月辛  
丑廷試讀卷四月九廟災公憂甚上疏力求罷歸得  
旨致仕七月抵家恬素自適不涉世慮應酬詩文外  
日讀諸子不輟以俸金數百兩家租千石爲石橋於  
浦口以便往來仿古以貴爲宗之義立特廟祀竹坡  
公撫按交薦中外日望起用公若不聞甲辰二月感  
脾寒吐泄漸劇七月二十五日卒享年六十有八訃

聞朝廷念公講筵舊勞賜諭祭贈禮部右侍郎謚文裕所著有儼山文集一百卷傳疑錄二卷書輯三卷史通會要三卷同異錄二卷金臺紀聞二卷中和堂隨筆二卷河汾燕間錄二卷續停驂錄三卷玉章漫抄四卷玉堂漫筆三卷聖駕南巡日錄大駕北還錄淮封日記南遷日記知命錄願豐堂漫書科場條貫春風堂隨筆溪山餘話停驂錄春雨堂雜抄平胡錄蜀都雜抄古奇器錄各一卷及詩微校定大學經傳翰林記凡二十餘種

詹事府詹事兼翰林院侍讀學士劉公虞夔墓

誌銘

王家屏

萬曆丙申夏六月望日宮詹學士劉公直卿卒於家其弟太學生虞龍至京疏奏上念宮詹講讀勞特勅所司諭祭葬廕其子國子生視卿臣禮有加焉而余爲之志誌曰直卿姓劉氏諱虞夔別號和宇世爲山西高平人家縣北太中里曾大父贊始徙居米三鎮大父韜由鄉舉官博學以彬泉公貴封戶部主事彬泉公偉崇文嘉靖丁未進士仕至淮安太守配張安人歲壬子冬彬泉公監兌江西還止都門外趙醫

家宿焉一夕趙夢我冠紫衣人剝啄於門覺而聞兒啼聲則直卿生矣生周歲病脾垂殆聞鄉先生王一庵精術學往卜之得三傳四課玄胎之應曰兒無恙且當蚤達爲文學貴近臣也旣髫病良已聰慧勃發日可讀書積寸其於經初治尚書已治周易最後治春秋咸自探討不由師授年十六魁省闈弱冠登辛未進士選讀中秘書詩若文力追古作兩擅其長癸酉授翰林編修明年使秦藩尋克大明會典纂修官教習內書館壬午考九載績轉侍讀是歲分纂起居章奏兼理誥勅踰年克經筵講官丙戌擢左春坊左諭德兼翰林院侍讀掌坊事己簡克日講官兼清武職黃會典成晉左庶子兼侍讀戊子以太常寺少卿兼翰林院侍讀學士掌院事明年晉詹事府詹事兼官經筵日講俱如故忽聞母張安人病亟圖請告歸而安人之訃至一號幾絕已彊起具疏言臣不孝犯罪臣母就木而臣不及視含殮也歸何以見臣父惟上哀憐之俾臣得微恩於母而請罪於父以僇於宗死且不憾 上特允之詔封彬泉公如直卿官而安人贈淑人予之祭葬服除撫按交章奏薦有詔起正史副總裁而忌者撫浮言中之直卿自念生平重

名檢乃橫罹妻斐意不能無介然然是時彬泉公春秋高以得侍左右爲幸無幾彬泉公捐館直卿扶病號踊益毀瘠不勝喪竟委頓苦次卒距其生年僅四十有五直卿天性故恭謹又自以英齡擢上第驟踐清華宜求不負其職益務挹損遂遂有以自下遇詞林先達於朝偃僂却立牽其臂乃肯前與之揖磬折欲盡與之語呐然若不出諸口也朝下蹙蹙策馬歸鍵一室攤書盈几搜奇抉隱率夜分始就寢發爲文章泉溢盆涌而彌好深湛之思其典制必考義選詞字雕句琢無片語不工麗乃已自餘應酬諸作徵求者填戶亦必遲之累旬月躊躇滿志而後出之卽一尺蹠非再四點竄不發也侍上講幄依經演義就事陳規每蘄於感悟嘗說詩夜如何章及覆發明人主憂勤之念上爲動容嘉其稱職庚辰癸未再分校禮闈士鑒別精審直卿雖退然若不勝衣而外飭中凝卓有定執非其義一然諾不肯輕一色笑不肯苟一造謂不肯失足也尤嚴取予官邸資用常仰給家儲諸問饋常儀槩謝弗內內之報必倍人以是盡諒其廉掌詹時儲議未決奮袂起曰茲寧異人任乎趣草疏勸上蚤定大計不報比廬居議益譁復草

一疏馳奏當塗阻之遂不果上草今藏于家曰漆室  
葵忱云

周文恪公子義傳

王世貞

周文恪公者諱子義字以方世爲常之無錫人業儒  
而至高皇帝時有志善者以滇中役改隸軍籍顧  
其人倜儻負氣更用是起家有五子仲爲昌言昌言  
子鑑鑑子濬鑑濬俱以公貴贈如公今官贈公濬工  
詩善書里中縉紳慕稱之然以好行德不事家人產  
產漸挫而又難子年四十七始舉一子又三年而舉  
公公生而端穎異凡兒五歲受書輒誦十二能屬文

十五見其業於鄉進士殷君殷大奇之勸其出就試  
公謝學未成弗果十八試於督學御史馮公褒然首  
列遂以諸生應試不利歸而益勤苦自力旣而歎曰  
大丈夫乃以一第市耶謂日所啞啞佔俸者於身心  
有絲髮益否乃悉取五經熟涵泳之旣而取程朱諸  
大儒章句驛之已取漢人注疏叅之融融如矣乃復  
取濂洛關閩與薛文清王文成蔡祭酒之遺言而體  
驗之稍筆之書其翼經傳者曰毅語凡二十卷其發  
抒所獨得者曰日錄見聞凡十卷於是公之學成矣  
里中弟子負笈請受者累恒滿至藉其束脩之贏以

廣雅錄 卷之十八  
供贈公及母吳淑人甘毳而公躬啖蔬素衣韋躡屨  
自若然至當省試輒以不應令報罷人或謂公盍少  
貶就時趣耶公謝曰母以爲也我固當有合而贈公  
及吳淑人相繼捐館公毀瘠逾禮既服除爲嘉靖辛  
酉遂薦於鄉明年復絀南宮又三載乙丑會試高等  
對策復上第選改翰林庶吉士讀中秘書所試詞賦  
皆甲而公意乃不篤好曰此與舉子業何異益治經  
術明習國家典故章程諸以筆墨事請者弗盡酬也  
復用試高等留拜編脩明年爲隆慶戊辰分校禮部  
試所得皆名士與脩 世廟實錄奉冊封周之恭寧

王王國津送直可百金公悉返之分理制誥充經筵  
展書官公於實錄所任纂自嘉靖丙戌以後八年事  
於議禮制度最名爲繁鉅公考據剪削亦最名簡要  
有法未及就而遷南國子監司業公至日坐堂廂與  
諸生講說經義務爲精深推本聖人所以立言之指  
而其課業皆手自甲乙最爲剴當諸生人人自喜  
以爲不虛值是時萬文恭公余文敏公相繼爲祭酒  
其人介通不同同於推服公至取司業所定規條爲  
祭酒潔法而是時公所舉士余卿懋學治南垣嘗極  
論朝政得失於相臣操切有所刺譏相臣旣已逐余

卿矣而疑疏草自公手銜之而公昉之官至考三載  
績亡一尺蹠以通相臣車門嗷嗷露辭色會留都大  
計吏吏部尚書嘗交關公公一切禦以理亡所徇尚  
書窺得相臣指欲謫公以逢之而信其志賴諸公持  
之力得亡它公始中書語卽掩關臥曰是不難我襍  
被耶諸生日伺公門環泣請留久之稍出視事後以  
資次改北前後通六載始轉司經局洗馬兼翰林院  
脩撰祭酒今少傅許公貽書公曰忠信蠻貊尚行之  
哉意益有所指也萬曆己卯主順天試禮檢無小訾  
亦號得人兼清兵部黃吏無敢以率略進者庚辰再  
分校禮部試公故治書而改閱詩如夙治所得名士  
視戊辰尋遷國子祭酒其教授諸生約略如司業時  
至釐革姦橐節嗇浮費積金錢數千緡拓飭公解一  
新不以煩縣官則非司業所任也當是時相臣雖不  
專爲忤而待公猶落落公殊安之會其卒始遷禮部  
右侍郎兼侍讀學士尋遷左侍郎知貢舉充會典副  
總裁已解部事顯訓庶吉士俄進吏部左侍郎掌詹  
事府其兼學士總裁會典訓庶吉士如故公喜曰吾  
知所以報國矣庶吉士晨朝公未嘗不諄諄以爲已  
之實學訓之也間與論天下事及祖宗彝訓而後傍

及稅文曰此若所由貴也雖然非若所急也會典總  
齊百司庶務公故長於其學而至是益加精悉目披  
手校昕夕不倦臺諫有請以明先儒從祀文廟者公  
首以王文成守仁陳檢討獻章應而祭祭酒清胡布  
衣居仁章文懿懋呂文莊柝亞之下禮部會羣臣議  
祀王陳而布衣與焉公既爲侍從長而禮部以尚書  
缺請廷推首侍郎沈公公僅居次既內閣以輔臣缺  
請時居憂者禮侍太倉王公及吏侍山西王公得之  
前後皆越公序公泊然如弗聞也或謂公不當去乎  
公笑曰以我不任去固當以我不爲內閣禮部去非  
臣節也書不云乎伯拜稽首讓於夔龍滿三載賜鈔  
緡羊酒同尚書贈封如令甲嘗以病痔告賜醴薦膠  
米醬菜同閣臣尋偕太倉公主會試所得多恢奇博  
朗之才程文爲天下式而公大意乃在崇雅敦實於  
序辭諄諄以萬石君不言躬行爲勉有某御史者希  
指謂公兩見抑爲不能其官而妄詆訶之然不敢及  
公行履公上疏乞骸骨優詔不許會典成公功最多  
而以校讐故耗精力比且上而公病一昔卒矣上  
聞訃震悼而會閣臣用書成得序遷乃併上公功特  
贈禮部尚書賜祭者二行人治葬一切用尚書恩申

謚文恪公爲人孝謹天性奉贈公吳淑人獨能得其  
心皆以老壽終然居恒自恨晚達不逮祿養語及輒  
愀然改容歲時蒸嘗未嘗不涕泣也事其兄恭甚時  
捐橐以成其義名衣食孀姊畢身無倦色又爲之宇  
遺孤如子燕居獨處恒欽欽若對大賓疾言遽色不  
以加於僮獲其御子姓如萬石君試序所爲諄諄蓋  
身有之也於物無所嗜好所嗜好獨書祿賜購積餘  
萬卷咸手自校讐前後典試與成均所造士仕宦幾  
徧海內絕不以毫髮私干之亦無敢以私請者大商  
林姓者故暱而交公公旣貴請以五百金置邸公謝  
絕之曰吾不復與而交矣邊之撫臣致賀金滿百公  
大驚曰以一撫臣而賀金百其爲百金當不貲何以  
飽戰士哉却不受公時自謂楊氏父子四知三不惑  
庶幾有之志伊<sub>子</sub>顏則服膺而未之逮也公旣以明  
習掌故聞公卿間有疑難事輒問周先生云何公事  
爲條答無爽然未嘗露德色所著書自<sub>穀</sub>語目錄見  
聞外有中書直閣記評列後先宰輔賢否甚皆秘不  
以示人 國朝故實幾二百卷

中順大夫詹事府少詹事贈太子少保謚文敏

鄒公濟墓誌

楊士奇

永樂二十二年三月初六日詹事府少詹事鄒公卒於官公之先自襁褓徙錢塘世畜德不仕考壽之博學有志遭元季亦晦迹不出公諱濟字汝舟蚤喪父事母以孝稱天資穎敏好學強記稍長游縣庠材識爲同輩所服餘杭令聘佐教縣學遂奉母徙家焉而毅然以師道自任振起諸生皆趨於學自令丞以下皆嚴敬之秩滿陞中都國子學錄又陞國子助教一時國學之爲師者皆樂與交爲弟子者多樂就其講

下無幾坐事自陳左遷西安府學教授未赴改河間府學用薦者陞平度知州階奉訓大夫廉簡寬厚吏民安之丁母憂服闋用翰林修撰李貫舉修實錄官事撫要井井有章書成賜鈔衣一襲表裏各四白金五十兩陞禮部儀制郎中階奉議大夫進奉政大夫時朝廷祭祀冊拜慶賚及儀物制度徵舊章參古典一資於公詔修永樂大典以五人總裁而公預焉安南拒命詔大將軍帥師征之擇朝臣有文學者往司奏記公承命以行軍事多所助益安南平餘黨復貳王師再出公亦繼往還陞廣東布政司右叅政務持大體而簡重寬平以率郡邑嶺海之區政化行焉坐累左遷吏部郎中數月擢左春坊左庶子在輔導之職言無不從寵遇特厚奉令旨授皇孫經明於啓迪滿秩陞詹事府少詹事階中順大夫公爲人和易坦夷不見崖岸於物無所迂自公卿下至武人庸隸皆樂親之其學長春秋爲文章不煩思索舉筆率就所居號願庵客至必具酒相與傾洽遇朋徒之會山水之游輒欣然從之不以事廢兼嗜老釋之書旁通深造雖其徒尊宿者鮮或過之蓋春秋六十有八而卒沒之日家無餘貲惟藏書數千卷尚存

仁宗卽位追念舊僚贈太子少保謚文敏命有司立  
祠墓旁春秋致祭其子幹登進士官至禮部尚書當  
給誥言於朝加贈榮祿大夫太子太保

南雍志

曾襄敏公榮傳

袁 袁

曾襄敏公榮字子啓永豐人永樂二年進士第一人  
授翰林院修撰命解縉選取進士進學文淵閣名翰  
林庶吉士入見諭之曰人須立志志立則功就未有  
無志而能建功成事者爾等拔千百人中爲進士又  
拔進士中至此固皆今之英俊然當立心遠大不可  
安於小成爲學必造道德之微具體用之全爲文必  
並驅班馬韓歐如此立心日進不已未有不成者古  
人文學豈皆天成亦積功所致耳勉之朕不任爾等  
以事文淵閣古今載籍所萃各食其祿日就閣中玩

索務實得於已國家將來皆得爾用不可自怠負朕  
期待之意公學問日進時召入試迅筆千言立就理  
詞皆到 上屢摘羣書隱僻事問公悉能對以故喜  
公公名聞天下明年修未樂大典爲副總裁陞侍讀  
數侍燕閒應制賦詩有薦文士者必問得如曾榮否  
考其文竟不及榮遠甚內艱起復扈從邑人坐姦黨  
事詞及公詔特原曰朕惜爾才也公居長安右門外  
火延禁垣亦不問陞侍讀學士修天下郡縣志爲副  
總裁書成陞左春坊大學士仍兼侍講從 宣皇帝

自南京還陞少詹事公預修三朝實錄再扈北巡三

考會試爲文章如源泉混混沛然千里又如園林得  
春羣芳爛然興致所到筆不停揮狀寫之工極其天  
趣他人不足已嘗有餘自解胡後獨步當世公性孝  
友喜獎拔後進儀貌魁偉襟度坦夷而神情灑落能  
飲酒善談論平生以及物爲心使之臨民必有所濟  
惜仕三十年徒以文學自見卒贈禮部左侍郎袁袞  
曰明興劉宋以宗工司制代言文體渾厚繼以東里  
溫醇雅則有歐陽少師之風子啓天才雄麗倚馬萬  
言其文如蘇長公浩如懸河注之不竭詩古體有魏  
晉風律宗初盛唐亦一代之鴻匠也

中順大夫詹事府少詹事贈禮部左侍郎謚

恭劉公鉉神道碑

李賢

公諱鉉字宗器號假庵其先汴人宋南渡時徙家於蘇遂爲長洲人曾祖元善號雪樓元末兵亂嘗率其豪賢以障鄉井里人德之祖德讓洪武中以明經爲沛縣儒學教諭考中興隱德不仕用公貴贈徵仕郎中書舍人妣陸氏贈孺人公生彌月而孤數歲入鄉塾輒有志向學雖衣食粗糲弗顧也未冠卽授徒里中從之者甚衆其言動規模如宿儒鄉之長者皆折輩行與交性孝友母邁疾刲腕肉以進旦夕籲天求

代比沒哀毀垂絕者再見者莫不感歎事兄若嚴師  
雖加楚毒不敢怨迎寡姊養於家從父沒而絕嗣公  
以父命出繼之末樂戊戌以善書徵入翰林明年中  
京闈鄉試未上春闈授中書舍人宣德己酉預修  
兩廟實錄成賜白金文綺陞兵部車駕司主事仍蒞  
事內庭正統戊午與修 宣廟實錄成進翰林侍講  
金綺之賚有加正統戊辰詔擇進士穎敏者爲庶吉  
士屬以教之公懲曩之事虛文者慨然以師道自任  
俾力追古作有一字未愜者經月不置以故諸士夫  
有所造後多以文學致名己巳進侍講學士景泰庚

第  
中京  
一人

午主考京闈及揭曉第一人劉宣乃盧龍軍士同事  
者欲更之公曰朝廷立賢無方不可乃止時論躓之  
公未沒宣己第進士爲翰林修撰矣初置經筵官公  
居首選數賜白金文綺寶鏹禮遇甚隆辛未夏不雨  
特遣祀濟瀆壬申春缺祭酒衆難其人大學士高穀  
曰學行老成無如劉某者遂抗章薦之命下以公爲  
國子祭酒士類歡然有得人之賀公曰士子若室女  
當保愛之於是定程課示教條旦暮講解如恐弗及  
有託權貴以求倖得者斥弗聽六館之士帖然明年  
養母陳氏卒朝廷欲奪其情公力求終制服除仍拜

祭酒天順改元 皇上復位念宮端必求宿德之儒  
在朝無踰公者遂陞少詹事日侍講讀輔導惟謹忽  
一日不至云已捐館矣朝縉莫不盡然 上聞訃哀  
悼曰安得學行醇篤如斯人者遣禮部侍郎李紹諭  
祭于其家公生洪武甲戌八月二十日卒天順戊寅  
十月六日享年六十有五公性介特絕軟媚之態立  
身以不欺爲主未嘗疾言遽色尚儉約已貴而猶儼  
居隘陋裕如也祿賜之餘必分惠宗族故舊之貧者  
恒館粟之僚友卒而乏者爲具後事復教其孤有至  
顯官者有病吏公憐而舍之染其疾及家人或請遣

之公弗聽已而皆愈鄉人有逮繫不能明者公爲  
其寃人德之懷金以謝公曰吾直爾公也豈爲私邪  
遂感泣而退其善行如此類者甚多立朝無惰容不  
以寒暑久速而少變亦其志之堅定也楊文貞文定  
兩公皆重其爲人每稱道之家訓素嚴仲子瀚以進  
士使南方戒之曰臨財毋苟得也閱其衣篋以行比  
還仍閱之如故乃喜曰無玷吾門矣平生耽嗜文籍  
博極羣書素醞藉爲文紆徐演迤務造至理詩占澹  
春容自有餘味方衆賢聚於朝以意氣相雄長公獨  
用心於內退然沈毅畧不與較有假庵稿若干卷藏

祭酒天順改元 皇上復位念宮端必求宿德之儒  
在朝無踰公者遂陞少詹事日侍講讀輔導惟謹忽  
一日不至云已捐館矣朝縉莫不盡然 上聞訃哀  
悼曰安得學行醇篤如斯人者遣禮部侍郎李紹諭  
祭于其家公生洪武甲戌八月二十日卒天順戊寅  
十月六日享年六十有五公性介特絕軟媚之態立  
身以不欺爲主未嘗疾言遽色尚儉約已貴而猶儼  
居隘陋裕如也祿賜之餘必分惠宗族故舊之貧者  
恒館粟之僚友卒而乏者爲具後事復教其孤有至  
顯官者有病吏公憐而舍之染其疾及家人或請遣  
之公弗聽已而皆愈鄉人有逮繫不能明者公爲  
其寃人德之懷金以謝公曰吾直爾公也豈爲私邪  
遂感泣而退其善行如此類者甚多立朝無惰容不  
以寒暑久速而少變亦其志之堅定也楊文貞文定  
兩公皆重其爲人每稱道之家訓素嚴仲子瀚以進  
士使南方戒之曰臨財毋苟得也閱其衣篋以行比  
還仍閱之如故乃喜曰無玷吾門矣平生耽嗜文籍  
博極羣書素醞藉爲文紆徐演迤務造至理詩占澹  
春容自有餘味方衆賢聚於朝以意氣相雄長公獨  
用心於內退然沈毅畧不與較有假庵稿若干卷藏

於家配陸氏有淑德封孺人子男四長曰澄早卒次  
曰瀚天順丁丑進士次日濟次日泳

詹事劉鉉為祭酒時諸生出身資格為權要所挽人  
咸苦之先生曰此易爾立議生而與之約曰有守規  
格圖出身者必同館諸生合辭共推即遣行不然不  
可得也他日有圖之者動為諸生所譁詈至不能容  
由是此風遂絕

水東日記

詹事府少詹事孔公恂傳

實錄

孔公恂字宗文山東曲阜縣人宣聖五十八代孫景  
泰甲戌進士授禮科給事中天順中衍聖公孔弘緒  
婚於大學士李賢賢言於英宗謂公恂與贊善司  
馬恂皆古聖賢後可居輔導之職遂同日起陞詹事  
府少詹事侍上於春宮講讀及上即位改大理  
寺左少卿怏怏不樂因自陳不諳刑名仍改少詹事  
兼左春坊左諭德會撫寧侯朱永奉命出征公恂上  
章畱之且言永當時武臣中一人而已為眾所嫉被  
劾出知漢陽府未之任下家艱服闋復少詹事改任

南京詹事府成化七年十一月卒于官公恂  
聖後又舉進士慷慨尚氣時或凌物然亦頗  
不肯卑汙屈抑遇非其人一言不合輒悻悻  
顏面在孔氏子孫中彼善於此云

頁先

中順大夫詹事府少詹事兼翰林院學士掌院

事竹崑柯公潛傳

王 僉

學士柯公諱潛字孟時別號竹崑興化莆田人高祖  
憲孫曾祖君寶祖德平皆不仕父原璞用公貴累封  
奉訓大夫尚寶司少卿兼翰林院修撰配戴氏累封  
宜人公生有奇質穎異絕人數歲能作詩十五補邑  
庠生正統甲子領鄉薦當赴會試以未忍離親未果  
行遂攜書入蓮峰僧舍講讀不輟戊辰會試中乙榜  
辭弗就教入胄監攻苦茹淡益肆力於學景泰辛未  
再至禮部遂中甲榜進對大廷賜狀元及第授翰林

修撰公丰神峻整言動謹飭是時翰林諸老多愛重之爲之延譽未幾賜五倫書五經四書尋用薦入經筵自是凡朝廷用人有制作加恩典公皆與焉壬申四月陞右春坊右中允兼修撰五月預修歷代君鑒書成賜白金十兩文綺二表裏甲戌二月禮部會試爲同考試官五月預修寰宇通志三載滿授勅命進階承德郎推封二親及妻丙子五月通志成陞司經局洗馬仍兼修撰加賜白金文綺八月考應天府鄉試舟維淮揚有舉子鬻私者暮夜投公公叱之彼固以請以所賂遺置公愾命執付有司治以法是

秋塲屋肅然比揭曉咸稱得人還朝乞歸省未行英廟復辟改元天順更授公尚寶司少卿兼職如故仍許歸省己卯二月命修玉牒庚辰春命偕呂學士原考禮部會試十二月命克東宮講讀官尋給誥命進階奉直大夫加封父母妻癸未二月復命偕陳學士文考會試會塲屋火罷甲申今上卽位以隨龍恩陞翰林院學士三月有旨選進士年少質敏者李東陽等十八人入翰林爲庶吉士命公教以古文詞八月上御經筵勅公兼經筵官仍賜白金三十兩寶鑑三千貫文綺二表裏九月奉旨纂修英廟睿

皇帝實錄成化改元八月考順天府鄉試九月玉牒  
成賜宴兼賜白金文綺寶鏹丙戌廷試與讀卷賜鈔  
千貫是月再奉旨教庶吉士林瀚等二十四人十月  
賜新刻貞觀政要十二月命掌翰林院印丁亥五月  
實錄成陞詹事府少詹事兼翰林院學士賜白金三  
十兩金織彩段三表裏折衣羅三表裏賜宴禮部十  
月賜大明一統志戊子二月命日侍經筵講讀自辛  
巳迄戊子凡遇午節輒賜牙骨聚扇 上有御製清  
暑歌解愠歌及諸家繪畫金織扇袋五色圓壽絲縷  
虎頭繚畫艾虎七月有詔議 慈懿太后山陵事內

疏平  
考誌  
獲禮

閣大臣先進章公率僚屬繼進論合葬於禮爲宜明  
日文武羣臣復繼進未得旨公復具疏期以死請曰  
朝廷大事臣子大節舍是奚所用心頃之俱名至文  
華殿諭可其奏衆歡呼而退十二月賜經筵儒臣七  
人襲衣冠履公已聞父喪 上命卽其家賜之旣而  
有司爲少卿公請祭并與葬蓋異數也公感激銜哀  
就道抵家不入中門寢苦枕塊不脫經帶擇葬地於  
所居東一里許和溫山麓以不忍離喪次圖繪形式  
付其弟通州學正董成之時母戴宜人在堂事之逾  
謹備極甘脆己丑九月季弟澍病親爲調藥比卒殯

殮皆從厚朔望易期服哭失聲而後返衣衰居苦次  
君子謂之有禮庚寅正月戴宜人屬疾越五日卒公  
哭痛絕而復甦朝廷聞之復遣官諭祭辛卯四月有  
詔起復時祭酒員缺久難其人 上知公剛方將用  
之以厭士論公聞命具疏乞終制大畧言忠與孝豈  
有二致事君事親初無兩心使親喪可短則他日所  
以事君者可知矣 上覽疏許之初公素無疾至是  
以久居苦塊患左足風痺未平而寒熱繼作公自知  
不起呼學正君與之訣瞑目而逝年五十一訃聞  
上悼惜遣官賜祭葬

少詹事兼翰林院學士江公汝璧壙誌

周仕佐

公諱汝璧字懋別號真齋庚辰登進士第明年辛巳  
今上繼大統舉廷試二甲第二選庶吉士授翰林  
編修會勅校累朝訓錄欲取列聖嘉言善政并名臣  
奏章可以訓後而行之今者彙聚成帙勒成一書上  
進無何聞父喪歸制起復復授編修時大學士見山  
桂公寧當國公以戚故力求外補遷南京國子監司  
業正已端表嚴飭規條與宗伯甘泉湛公若水闡明  
正學士習丕變暇日又取二十一史刪校譌謬疏請

頒刻一時經史之學爲之大明庚寅聞母喪歸制服  
闕改翰林院侍講尋陞左春坊左諭德克經筵講官  
進講言論激切 天顏頗屬公益講不輟侍講諸公  
卿咸爲公懼必得罪次日 上命中使齎白金文綺  
以賜復聞進講之夕 上疏公名于御屏公大感泣  
曰 皇上仁明同符堯舜爲人臣者當益思報丁酉  
上命主試南畿項緣安南莫登庸篡其主黎利自  
立不修職貢 上將徃征之勅邊海諸省各造戰艦  
水陸並攻公被命而南途次日擊炎暑調發有感於  
中自謂中國之於四夷蓋由天之二氣中國爲陽四

夷爲陰旣並生於天地其可盡去乎惟令各正其疆  
不致陰干乎陽則中國之氣勝矣至其自相篡殺猶  
虎豹豺狼天旣受之以吞噬之性必不禁其血食而  
責之以騶虞之仁也若彼今日之亂宜因其夷性治  
以不治而聽其自安可也且黎季犛之初叛賊殺命  
官傷害鎮將不受我國家之封而僭竊自號其負罪  
于朝廷爲不小矣登庸篡之以據其國固天道也又  
何必勞師征之爲黎賊復讐哉惟曰祖宗時已隸職  
方今登庸篡據不修職貢又爲叛虐使一方之民蹈  
于塗炭是則不可不征也然當先之以文告令其悔

以杖策論郊祀及安南事被選

罪自服必不得已而至于用兵亦不至親勞王師惟  
勅兩廣土官之兵各自為戰其能取之者即棄以與  
之如此則彼以一方之眾而我四面蹙之不旬月而  
可下也迨其平定仍分建土官以鎮壓之周之監于  
四夷夏之咸建五長用是道也尚何亂之敢生方膺  
上命嚴程迅發未及論列迨試士乃以安南不必征  
發策言甚剴切又論勲臣配享止歲祫宜與至郊祀  
嘗皆不宜從享策進 上覽而震怒逮赴詔獄先是  
太史奏彗星犯文昌至是文昌不見三日人以為應  
云勲臣郭侯銜公配享之論欲置重典賴 聖明遣

官停造海艦罷安南之征乃得輕罰謫閩市舶副提  
舉巡按御史李公鳳翽包公節交章特薦已亥起南  
駕部員外郎尋遷正郎癸卯春北司業員缺銓部以  
公名上請而以北駕部郎程公文德副之 上謂輔  
臣曰璧朕素知其有學其人與文德孰優輔臣對曰  
文德後中兩科 上曰璧以何事謫官輔臣對曰以  
妄言邊事 上曰今之邊事被他說着於是召復北  
司業是年秋泰安州各產嘉禾瑞麥數本公撰豐年  
瑞應頌上陳溫旨褒答仍建 九廟更定昭穆位次  
疏入緣忤嚴相意乃出他議以沮之疏閣不行疏中

五事其一曰酌時宜改春之植祭為禘祭其一曰定  
昭穆更定位次未幾 皇上特旨春植改為春禘著  
為令昭穆位次皆從之甲辰春擢左春坊左庶子兼  
翰林院修撰命主會試進詹事府少詹事兼翰林院  
學士掌院事克廷試讀卷官纂修玉牒副總裁披牒  
慮宗室繁盛祿至不給取 祖訓中郡王子孫有文  
武才能堪任用者授官職如常選法數語畫議擬進  
不果嚴相子世蕃次首相翟公鑾二子俱中式且知  
公旦夕將大用乃喉言官論會試事誣以贓賂 上  
命具詔獄窮治無左驗卒中以阿附大臣落職著有

詩文若干卷及碧洋摘稿藏于家

少詹蔡陽黃公洪憲神道碑

王錫爵

萬曆庚子八月九日學士蔡陽黃公卒于家其明  
 公子參政君將奉公柩厝于思二都藏字圩之新  
 而乞余銘其碑余難焉曰悠悠者方謂余黨于公即  
 有言人誰信之參政君曰先生亦不自信而信人不  
 信人心信人口乎余無辭以應姑即所見闡紀焉公  
 諱洪憲號葵陽嘉興人舉丁卯浙江鄉試第一辛未  
 會試第二賜二甲進士尋改庶吉士授翰林院編修  
 乙亥與修大明會典壬午以皇長子生使朝鮮  
 頒賜玉帶麒麟服以行丙戌充經筵講官丁亥大明

會與成陞右春坊右庶子兼侍讀其秋充日講官明年陞詹事府少詹事兼翰林院侍讀學士掌院事經筵日講如故未幾中忌口歸歸十年竟卒方公為諸生時適嘉靖末年文體猥濫甚公獨刊落枝葉根極名理三試不售不為改步會隆慶元年有詔黜浮崇雅公遂袞然冠賢書制舉義出文體始一振然公故不急一第乃愈湛思精苦齒血湧出不為止已忽于靜中有得文以益工辛未第二報至公側卧不應曰咄咄吾文未盡吾量也其自負如此公為江陵所取士丁丑會試江陵欲公充同考屬意第三子時公兄

侍御君與試藉公辭馬江陵固不可公固辭江陵甚會是年丁父副使公憂始得解迨壬午江陵歿而攻之者至以逆詔籍其家公獨喟曰江陵誠驚抑其數年輔幼主功顧不當未減分宜耶又私謂友人昔以生江陵市今以死江陵市等市耳語稍流聞而先是忤江陵得罪者驟從田間起高名之士贊之如流公獨劾田畫規鄒浩貽之書反覆馮河包荒之說幾千餘言於是忌者籍籍起而公無難端適戊子主順天試遂相與構口語而余子衡適為舉首有為謀者曰太倉公介介負氣可并鬪而走也因尾以疑詞及

衡余請旨覆試言者實司徼巡文出無所指摘公自  
此知不爲忌者所容有歸志矣是歲秋彈章果再起  
公十疏乞骸 上賜白金文綺馳傳以歸歸而額其  
堂曰碩寬取寤言勿告之義示不復出也日與羣子  
姓讀書講藝其中容色滋少以病瘍誤藥乍瘖不語  
數日卒時僅六十耳公卒之明年而余予衡亦倖叨  
第人始籍籍白公冤嗟乎公之冤豈待是而後白哉  
人當貴賤懸極毀譽嘈雜時客氣逢蠶厲其勢不可撓  
姑俟其心平論定咀嚼之而後知無味耳而余向也  
徒恃其處子之介戛戛然求伸其是于未平未定之

前嘻可勝悔哉公詩文羅合千古諸變無所不備  
好談舉子業若有夙解者當其童子時學爲文以已  
意屬偶輒已斐然晚年斲輪技癢自六經而外糟粕  
涕唾皆以意匠取材卒澤于大雅醇如也公素自矜  
重當隸學官時郡邑諸使者慕公名欲羅致一見不  
可得顧獨好士夜得一士申旦不寐必曲爲獎拔乃  
已會稽錢副使仲美落魄居長安公賞其文亟使參  
政君執弟子禮強爲裝而歸之遂聯得第有盛名凡  
此類者不勝數四方奇士以文字執耜趾相錯登高  
科廡仕者若而人然亦頗坐此失庸衆人意得謗亦

不少公讀書有經世志不專以詞藝自喜甲戌補內  
書堂授中貴人書曰是且在天子股掌間爲禍福不  
細數舉古今宦侍爲鑑戒詞色甚莊已使朝鮮曰此  
區區者而間于倭虜其君臣恬嬉文事不知戒嚴吾  
爲肩臂慮矣盡封還贈金而備次其國都形勢成一  
編曰輜軒錄後十年倭東躡鮮人服其早見云其侍  
經筵講疊疊文王章視朝御講本支嫡庶之說無所  
不關入 上竦聽焉公稚負公輔材惜中道中讒去  
僅僅以文章名世參政君狀公以立名太高與士太  
廣爲得謗之由是誠有之余獨謂公病坐不知時耳

世之趨時也若渴若熱而公獨以忤時爲守中懷璧  
自珍無所羶慕以此蒙詬固宜雖然是可以知公矣  
父綜嘉靖丙辰進士歷官至湖廣按察司副使兄正  
色萬曆丁丑進士歷南北兩臺御史陞福建按察司  
副使配沈氏累封恭人子二長承玄弱冠登丙戌進  
士授水部治河有勞績歷官至山東布政司叅政次  
承昊郡學生文詞類其父公所撰著甚富當在副使  
公憂中有易說春秋左傳釋附老子解蒙莊獨契讀  
禮日抄諸書迨歸田後有秀水邑志碧山學士集皇  
明文憲俱殺青未竟藏于家

焦大史編輯國朝獻徵錄卷之十八終



